

# Bibël për fëmijët paraqet



## Njeriu i Zjarrtë



Shkruar nga: Edward Hughes

Ilustruar nga: Lazarus

Përkthyer nga: Arianit & Valbona Iljazi

Adaptuar nga: E. Frischbutter

Tregimi 24 nga 60

[www.M1914.org](http://www.M1914.org)


*Bible for Children, PO Box 3, Winnipeg, MB R3C 2G1 Canada*

E drejta e kopjimit: Mund të bëni kopje ose ta shtypni këtë histori, nëse nuk do ta shitni.

Shqip


Albanian

Çdo gjë dukej keq për Izraelin. Mbreti dhe mbretëresha e urrenin Perëndinë. Çfarë shembulli i keq! Shpejt edhe populli filloi ta urrejë Perëndinë dhe të adhuronte perëndi të rreme.



1

A kishte ndonjë që të donte Perëndinë? Po, kishte një numër të vogël adhuruesish besnikë. Një ditë, Perëndia i foli njërit prej tyre, të quajtur Elia.



2

Elia i tha mbretit të lig Ahab, "Ashtu si Zoti Perëndia i Izraelit jeton, nuk do të ketë as vesë e as shi këto vite, përveçse kur të them unë". Kjo do të thoshte zi buke! Perëndia nuk do ta linte popullin e Tij Izraelin të vazhdonte në ligësinë e tyre.



3




Pasi paralajmëroi mbretin, Perëndia e dërgoi Elian në një vend të qetë, buzë një honi.

4




Atje, pranë një përroi, Eliapriti. Perëndia dërgoi korba për ta ushqyer atë. Ata sollën bukë dhe mish, mëngjes dhe mbrëmje. Dhe Elia pinte nga përroi.

5



Shpejt përroi u tha, sepse nuk kishte rënë shi në vend. Fjala e Perëndisë po vërtetohej.

6



I gjithë vendi kishte shumë pak ujë. Të mbjellat nuk u rritën. Njerëzit ishin të uritur. Mbase Elia po mendonte se çfarë do ti ndodhte atij tani që uji ishte mbaruar.

7



Perëndia i tha Elias, "Çohu, shko në Sarepta, dhe bano atje. Shih unë kam urdhëruar një grua të ve të parashikojë për ty".

Perëndia i dinte nevojat e shërbëtorit të Tij.

8



Por çfarë mënyre e çuditshme për të parashikuar. Përulësisht, Elia iu bind Perëndisë. Kur ai mbërriti në Sarepta, gruaja e ve ishte tek portat e qytetit duke

mbledhur shkopinj për të ndjezur zjarrin.

9

"Të lutem më sill pak ujë në një kupë" i kërkoi Elia gruas. "Të lutem më sill edhe një copë bukë". "Unë nuk kam bukë", u përgjigj gruaja e ve.

"Vetëm një dorë miell në një enë dhe fare pak vaj në një vazo".




10

E trishtuar, gruaja i tha profetit që kur kjo të mbarohej, ajo dhe biri i saj do të vdisnin nga uria.




11

"Mos ki frikë. Së pari përgatit për mua një kek të vogël, dhe pastaj përgatit për veten tënde dhe tët bir", tha Elia. "As mielli nuk do mbarojë, as vaji nuk do shterojë, deri në ditën që Perëndia do të dergojë shiun mbi tokë".




12

Perëndisë i duhej të bënte një mrekulli që të ndodhte kjo gjë. Dhe ai e bëri! Gruaja dhe djali i saj hëngrën për shumë ditë, por megjithatë ena e miellit nuk u mbarua; as vazo e vajit nuk u boshatis.



13

Elia jetonte me ta. Një ditë, një gjë e trishtueshme ndodhi. Djali i gruas së ve vdiq. Elia e mbarti trupin e djalit në një dhomë të sipërme. Ai i thirri Perëndisë, duke thënë, "O Zot, Perëndia im, lejoje frymën e këtij fëmije të vijë prap tek ai". Çfarë lutjeje e pamundur!




14

Por Perëndia dëgjoi zërin e Elias dhe fryma e djalit u kthye në të, dhe ai jetoi përsëri. Kur Elia mori fëmijën dhe ja dha atë mamasë së tij, ajo tha, "Tani nga kjo e di që Fjala e Perëndisë në gojën tënde është e vërteta".




15

Tre vjet më vonë, Perëndia e dërgoi Elian tek mbreti, duke thënë, "Unë do të dërgoj shiun mbi tokë".




16

Të shkonte tek Ahabi? Gruaja e Ahabit, Jezebeli, kishte vrarë tashmë njëqind profetë të Perëndisë. Por Elia nuk kundërshtoi. Ai shkoi tek mbreti Ahab.




17

Kur të dy burrat u takuan, Elia e sfidoi Ahabin, që ky i fundit të mblidhte të gjithë Izraelin dhe 850 profetët e rremë. Në një vend të quajtur Mali Karmel, Elia i foli popullit. "Nëse Zoti është Perëndia, atëherë ndiqeni atë".



18

Elia kishte dy dema të përgatitur për sakrificat. Por asnjeri nuk do të përdorte zjarr për ti djegur ato. "Ju thërrisni në emër të perëndive tuaj, dhe unë do ti thërras në Emër, Zotit Perëndi", tha Elia. "Dhe Perëndia, i Cili përgjigjet me anë të zjarrit, Ai është Perëndia". "Fole shumë mirë", u përgjigjën njerëzit.



19

Nga mëngjesi deri në mbrëmje profetët e rremë u thirrën perëndive të tyre të rremë. Ata hidheshin dhe kërcenin dhe prenë veten me thika, gjersa u gjakosën keq. Por nuk ra zjarr për ta.



20



Pastaj Elia i bëri qull drutë dhe sakrificën me ujë, dhe u lut. "O Perëndi, më dëgjo në mënyrë që këta njerëz ta marin vesh që Ti je Zoti Perëndia..." Me të mbaruar Elia lutjen, zjarri i Perëndisë ra.

21



Dogji demin, drutë dhe thau gjithë ujin. Por shkumbosi edhe altarin prej guri.

22



Kur njerëzit panë këtë, ata bërtitën, "Zoti, Zoti Ai është Perëndia". Dhe Elia tha, "Zëri i profetët e Baalit. Mos lini që t'ia mbathë asnjë".

23



Elia bëri atë që mbreti Ahab duhet të kishte bërë shumë kohë më parë. Ai i vrau të gjithë profetët e rremë.

24



Pastaj shërbëtori i Perëndisë i tha Ahabit se shiu po vinte. Shpejt një re e vogël u shfaq.

25



A do binte shi? Pas më shumë se tre vitesh të një thatësire vdekjeprurëse?

26



Në shumë pak kohë, qielli u nxi nga retë dhe era, dhe ia nisi një shi i rrëmbyer. Perëndia kishte dërguar shiun. Perëndia i tregoi njerëzve se Elia po u tregonte atyre të vërtetën. Perëndia tregoi që vetëm Ai është Perëndia i vërtetë.

27



A mendoni ju se mbreti Ahab e nderoi Perëndinë dhe shërbëtorin e Tij, Elian? Jo! Në të vërtetë, Jezebeli u përpoq që të vriste Elian, por ai ia mbathi. Më në fund, Ahabi u vra në një betejë, ndërsa Jezebelin e hodhën nga dritarja disa prej shërbëtorëve të saj. Ajo u përplas mbas gurëve dhe vdiq në vend.

28



Çfarë i ndodhi Elias? Një ditë, Perëndia dërgoi një qerre të zjarrtë që tërhiqej nga kuaj të zjarrtë; ...

29



... dhe Elia, njeriu i zjarrtë i Perëndisë, u mor në një vorbull ere në qiell.

30

### Njeriu i Zjarrtë

Një tregim nga Fjala e Perëndisë, Bibla  
e marrë nga

1 Mbretërve 17-19, 2 Mbretërve 2

"Zbulimi i fjalëve të tua ndriçon dhe u jep mendje njerëzve të thjeshtë."  
Psalmet 119:130

Perëndia e di që ne kemi bërë gjëra të këqija, të cilat Ai i quan mëkate. Denimi për mekatin është vdekja.

Perëndia na don neve aq shumë sa që dërgoi Birin e Tij, Jezusin, që të vdes në Kryq dhe të paguaj dënimin tonë. Pastaj Jezusi u ringjall dhe u ngrit lartë në Qiell.

Nëse ti do që të pendohesh, thuaja këtë Perëndisë:  
Perëndi i dashur, unë besoj në Jezusin që vdiq për mua dhe jeton. Të lutem eja në jetën time dhe m'i fal mëkatet, në mënyrë që të kem jetën e re. Dhe që të jem me Ty përgjithmon. Më ndihmo që të jetoj për Ty si fëmija i Yt. Amen. Gjoni 3:16

**Lexo Biblën dhe fol me Perëndinë çdo ditë!**